



UPA 2015/92

Justus Hansen

18. marts 2015

Uunga siunnersuut: Suliffeqarnermi innersuussisarneq il.il. pillugit Inatsisartut inatsisaata nr. 5, 8. juni 2014-imeersup allannngortinnissaa pillugu Inatsisartut inatsisaat nr. xx, yy 2015-imeersoq.

(Inuussutissarsiornermut, Suliffeqarnermut, Niuernermit Nunanullu allanut Naalakkersuisoq)
(Siullermeernera)

Imminut akkerliippat inuiaqatigiinni ilinniarsimangitsut akornanni suliffissaaleqisorpassuaqaraluartoq peqataanik sulisitsisut atorfiit inuttassaqaartinneqanngitsut inuttalerniarlugit nunanut allanut ilinniarsimangitsunik sulisussarsiorartariaqartarmata.

Pissutsit taamaattut imminut akkerliittut suut tamaasa akiortariaqarpagut, akisoqimmata pisariaqanngikkaluarlutillu. Una siunnersuut aqqutigalugu Naalakkersuisut nuna tamakkerlugu suliffeqarnermut innersuussisarfimmi pileritsiniarput tamakkiisumik takusinnaajumallugu sumi sulisussaaleqisoqarnersoq aamma kikkut suliffissaaleqinersut. Isumaqaarpugut alloriarneq tamanna kusanartuusoq, suliffissaaleqisut ataasiakkaat sulisitsisussaannut innersuunneqarsinnaalissammata.

Demokraatini immikkut iluarisimaarparput suliffeqarnermut innersuussisarfik nutaaq aamma atorlugu peqataanik suliffissaaleqisut piumaffigineqartalissammata suliffissanut eqiiganeroqqullugit. Siunissamimi piumasaqaataasussaavoq suliffissaaleqisut suliffeqarnermut innersuussisarfimmi CV-mik pilerinartumik nutartikkamillu uninngasuuteqartalernissaat, suliffissaaleqisutut nalunaarsorneqarsimassappata taamaasillutillu ikiorsiissutinik pisinnaatitaallutik.

Taamatut oqaaseqarluta siunnersuut suliareqqitassanngorlugu Inuussutissarsiornermut Ataatsimiititaliamut innersuupparput.